



Broj: 14-01-05-3653/11
Sarajevo, 20.12.2011. godine

**Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
S A R A J E V O
n/r, Predsjedavajuće, Prof.dr. Mirjane Malić**

**Predmet: Odgovor na poslaničko pitanje broj: 01-05-29000/11 od 23.11.2011. godine
postavljeno od strane poslanika Besima Mehmedića - dostavlja se**

Na devetoj Radnoj sjednici Skupštine Kantona Sarajevo, održanoj dana 23.11.2011. godine, poslanik Besim Mehmedić u okviru tačke dnevnog reda "Poslanička pitanja, inicijative i odgovori" konstatujući krajnje neprimjerenim prodaju „svega“ i svačega“ u ul. Ferhadija postavio je poslaničko pitanje:

„Da li inspekcijski organi i komunalni redari, nadležni organi općine Stari grad i drugi nadležni organi ostalih nivoa vlasti poduzimaju bilo kakve aktivnosti kako bi se ova, siva ekonomija konačno uredila na primjeren način.“

U vezi s dostavljenim pitanjem, dajemo slijedeći

ODGOVOR :

Samim formiranjem i početkom rada, Kantonalna uprava za inspekcijske poslove je kao prioritetan zadatak postavila suzbijanje bespravnog prometa roba i bespravno zauzimanje javnih površina na području Kantona Sarajevo. U cilju suzbijanja naprijed navedenog, cijeneći iskustva sa terena i problematiku s kojom se susreću inspekcijski organi poduzeto je slijedeće:

- pokrenuta je inicijativa za izmjenu Zakona o prekršajima protiv javnog reda i mira;
- pokrenuta je inicijativa za izmjenu zakona iz oblasti komunalne djelatnosti;
- određeno 16 najkritičnijih lokacija na području KS gdje se vrši bespravan promet roba i zauzimanje javnih površina;
- održan sastanak i postignut dogovor sa predstavnicima MUP- Kantona Sarajevo, u cilju pružanja asistencije prilikom vršenja nadzora ;
- sačinjen operativni plan.



Kantonalna uprava za inspekcijske poslove počela je sa radom 01.08.2009.godine, kada je izvršeno preuzimanje inspektora. Od početka rada do dana sačinjavanja odgovora, od strane tržišne inspekcije poduzete su slijedeće mjere:

**Ukupno je izvršeno na navedene okolnosti 259 inspekcijskih nadzora;
Podnesena 174 zahtjeva za pokretanje prekršajnog postupka;
Izrečena zaštitna mjera oduzimanje roba u vrijednosti cca 100.000 KM.**

Od mjeseca februara 2010.godine, organizovane su svakodnevne kontrole uključujući subotu i nedelju, u periodu od 10.-22 časova. Nadzori su organizovani na način što su formirani mobilni timovi koje čini: jedan tržišni inspektor, jedan komunalni inspektor i određeni broj predstavnika specijalne jedinice za podršku MUP-a KS.

Navedene aktivnosti su se provodile do mjeseca avgusta 2011. godine na gore navedeni način. Od mjeseca avgusta, specijalne jedinice MUP-a KS nisu bile u mogućnosti pružati asistenciju prilikom vršenja inspekcijskog nadzora, tako da trenutno inspekcijski nadzor na navedene okolnosti obavljaju kantonalni inspektori bez podrške specijalnih jedinica MUP-a Kantona Sarajevo. Sva privremeno oduzeta roba privremeno do okončanja sudskog postupka, predata je Direkciji za robne rezerve Kantona Sarajevo.

Prilikom vršenja inspekcijskog nadzora, inspektori nailaze na probleme koje se posebno ogledaju u slijedećem:

- nedovoljna podrška u ljudstvu, zbog čega inspektori najčešće sami vrše utovar i istovar oduzete robe;
- česti verbalni napadi od učionioaca prekršaja;
- nedostatak podrške građana, od koji inspektori često budu verbalno napadnuti.

Aktivnosti koje su se provodile na području Kantona Sarajevo putem mobilnih timova, dale su rezultate jer je u vrijeme provođenja aktivnosti, a posebno na kritični označenim mjestima lokalitet bio čist. Međutim, navedene aktivnosti ne daju trajna rješenja niti dugoročne rezultate. Dosadašnja iskustva ukazuju da se uvijek djelovalo posljedično, a ne preventivno, uz angažovanje značajnih inspekcijskih i policijskih resursa. Djelovanje same inspekcije je otežano zbog samog karaktera uličnog prometa i lica koja se time bave (brza pokretljivost prekršitelja, nemogućnost identifikacije i dr.) dok su nadležnosti policije u asistenciji ograničene samo na pružanje pomoći u slučaju fitičkog napada inspektora.

Radi svega naprijed, a u cilju rješavanja trajnog i sistemskog rješavanja „uličnog prometa“ smatramo da je potrebno pristupiti donošenju predloženih zakonskih propisa i /ili formiranju komunalne policije. Incijativa oko formiranja komunalne policije pokrenuta je od strane Vlade KS. U cilju realizacije pokrenute incijative održana su sastanci inicirani od strane Kantonalne uprave za inspekcijske poslove sa predstavnicima resornih ministarstava. Trenutno se čeka odgovor Federalnog ministarstva pravde na postavljeni upit koji se odnosi na preuzimanje komunalnih redara, koji su organizacijski raspoređeni unutar javnih preduzeća.



Na kraju želimo istaći, da su kantonalne inspekcije u okviru raspoloživih ljudskih resursa maksimalno prisutne na terenu u cilju rješavanja gore navedene problematike.



DOSTAVITI:

1. Naslovu
2. Sekretaru Skupštine Kantona Sarajevo
3. Sekretaru Vlade Kantona Sarajevo
4. Evidenciji
5. Arhiva



w.w.ks.gov.ba

Tel: + 387 (0) 33 770-100 (centrala),
+ 387 (0) 33 770-159 (direktor) Fax: + 387 (0) 33 770-151
Sarajevo, Bulevar Meše Selimovića do br.12



w.w.w.ks.gov.ba

**Tel: + 387 (0) 33 770-100 (centrala),
+ 387 (0) 33 770-159 (direktor) Fax: + 387 (0) 33 770-151
Sarajevo, Bulevar Meše Selimovića do br.12**